



Saksframlegg

Sakshandsamar:	Sektor helse og omsorg	Leni Dale
	Arkivnr.: 14/1828	Klassering:

Prosjektmandat forprosjekt busetting av flyktningar i kommunestyreperioden 2015-2019

Rådmannen sitt framlegg til vedtak

Levekårsutvalet vedtar prosjektmandat (forprosjekt) for utarbeiding av plan for busettingar av flyktningar i kommunestyreperioden 2015 -2019 slik det ligg føre i saka.

Saksopplysningar:

Politisk handsaming

Saka skal avgjerast i Levekårsutvalet.

Bakgrunn

Kommunestyret handsamar plan og gjer vedtak om omfang av busetting av flyktningar for den komande 4 –årsperioden i starten av ein valperiode.

I kommunestyremøte 18.06.15 Sak 055/15 vart det gjort følgjande vedtak: *Lindås kommune vil ta ansvaret for busetting av flyktningar. I 4-års planen for busetting av flyktningar for perioden 2016-2019, vil kommunen auka busettinga av flyktningar, slik det går fram av brevet frå statsråden. I planen vil Lindås kommune vidareutvikle flyktningsarbeidet, gjerne i samarbeid med nabokommunane og i samsvar med introduksjonsprogrammet for flyktningar. Lindås kommune vil vere ein god og aktiv mottakskommune som ønskjer velkomen nye medborgarar som blir busett ut frå det auka behovet Stortinget har gjort vedtak om. Lindås kommune vil i 2015 ta imot inntil 11 ekstra flyktningar.*

Gode koordinerte tenester er nødvendig i arbeidet med flyktningar for å sikre ei fullverdig integrering i kommunen. Det vert av denne grunn sett i verk eit forprosjekt for utarbeiding av plan. Rapporten frå forprosjektet skal foreslå innhald og prioriteringar i hovudprosjektet og slik danne utgangspunktet for mandat til hovudprosjektet.

I brev datert 20.11.2015 frå Fylkesmannen vert Lindås kommune oppmoda om å ta imot 55 flyktningar i 2016 der minimum 20 av desse er einslege barn og unge. Vidare vert Lindås kommune oppmoda om å ta imot 63 flyktningar i 2017 der minimum 32 er barn og unge. Dette er basert på eit totalt busettingsbehov på 18 000 i 2016 og førebels plantal for 2017 på 21 000.

Fylkesmannen ber om at det ikkje vert fatta vedtak som inkluderer familiegjenforening eller som ikkje gjer det mogleg å gjennomføre busettingsarbeidet.

UDI har rekna ut at for kvar flyktning som får opphald i Norge, får vi i snitt 0,5 flyktningar ekstra på grunn av familiegjenforeningar. Regjeringa har foreslått å stramme inn regelverket for denne gruppa.

Vurdering

For å følge opp vedtaket, oppmodinga frå Fylkesmannen og sikre ei heilskapleg styring og koordinering av alle prosessar for busetting av flyktningar, blir det etablert eit forprosjekt for utarbeiding av plan for kommunen sine aktivitetar i dette arbeidet. Forprosjektet skal utreie behovet for eit hovudprosjekt. Leiar for NAV går inn som prosjektleiar. I forprosjektet blir det i første omgang etablert fem arbeidsgrupper som skal gjennomføre nødvendige utgreiingar for koordinerande aktivitetar og tiltak. Dette er for:

- 1) Skaffe bustader (kjøp/leige)
- 2) Koordinerande gruppe for implementering
- 3) Mottak for einslege mindreårige
- 4) Tverrfagleg helseteam
- 5) Kostnader og budsjett

Vedlagte saksdokument:

Prosjektmandat (forprosjekt) busetting flyktningar	87837	24.11.2015
Oppmoding om busetting av flyktningar i 2016	87838	24.11.2015

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost